

Հաստատված է՝
Հյուսիսային համալսարանի
ուսումնամեթոդական խորհրդի կողմից

«23» փետրվար 2009

Հյուսիսային համալսարանի ռեկտոր՝ Բ. Մակիչյան



ԿԱՆՈՆԱԴՐՈՒԹՅՈՒՆ ՀՅՈՒՄԱՆԻՏԱՅԻՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

1. Ընդհանուր դրույթներ

- 1.1 Հյուսիսային համալսարանի ուսանողական գիտական ընկերությունը /այսուհետև ընկերություն/ Հյուսիսային համալսարանի ուսանողներին միավորող ուսանողական ստորաբաժանում է, որի նպատակն է նպաստել ուսանողության գիտական, ստեղծագործական, հոգևոր զարգացմանը:
- 1.2 Ընկերությունը գործում է Հյուսիսային համալսարանի կանոնադրության և սույն կանոնադրության հիման վրա:
- 1.3 Ընկերության կանոնադրության և նրա մեջ կատարվող փոփոխությունները հաստատվում են Հյուսիսային համալսարանի ռեկտորի կողմից՝ ՈւԳԸ խորհրդի ներկայացմամբ:
- 1.4 Ընկերությունը, սահմանված կարգով, կարող է ունենալ կլոր լնիք, անկյունային դրոշմ, պաշտոնաթուղթ:
- 1.5 Ընկերությունը իր նպատակների և խնդիրների լուծման, երկարաժամկետ ծրագրերի իրականացման համար համագործակցում է համալսարանի ուսանողական խորհրդի և այլ կազմակերպությունների հետ:
- 1.6 Ընկերության անվանումն է՝ Հյուսիսային համալսարանի Ուսանողական գիտական ընկերություն, կրճատ ՈՒԳԸ:

2. Ընկերության նպատակն ու խնդիրները

- 2.1 Ընկերության նպատակն է նպաստել ուսանողության գիտական, ստեղծագործական և հոգևոր զարգացմանը:
- 2.2 Ընկերության խնդիրներն ու հիմնական ուղղություններն են.

- . գիտական և կրթական ոլորտում ուսանողության նախաձեռնությունների սատարում և իրականացում,
- . ուսանողական գիտաժողովների, կոնֆերանսների, սեմինարների, գիտահանրամատչելի դասախոսությունների և այլ գիտական ու կրթական ուղղվածություն ունեցող միջոցառումների կազմակերպում՝ դրանցում ընդգրկելով նաև արտահամալսարանական գիտական ներուժը,
- . համալսարանական երիտասարդության գիտական ներուժի նպատակաուղղված օգտագործում և դրա մասին տեղեկատվության համակարգում,
- . համակողմանի աջակցության ապահովում շնորհաշատ ուսանողներին,
- . գիտական խմբերում և տարբեր գիտական ծրագրերում ուսանողների ընդգրկում,
- . ուսանողների գիտական աշխատանքների և այլ նյութերի հրատարակում,
- . այլ գիտական կենտրոնների հետ կապի հաստատում և տեղեկատվության փոխանակում:

3. Ընկերության կառուցվածքը և ղեկավար մարմինները

Ա. ՖԱԿՈՒԼՏԵՏԱՅԻՆ ՈՒՄԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅՈՒՆՆԵՐԸ

- 3.1 Ընկերության կառուցվածքային սկզբնական օղակները ֆակուլտետային ուսանողական գիտական ընկերություններն են, որոնք ձևավորվում են ամբիոնների երաշխավորությամբ ներկայացված առնվազն երկու ուսանողներից: Ֆակուլտետի ՈւԳԸ-ն մշակում և իրականացնում է ծրագրեր, որոնք ուղղված են ՈւԳԸ-ի կանոնադրական նպատակների և խնդիրների իրականացմանը:
- 3.2 Ֆակուլտետի ՈւԳԸ-ի առաջադրմամբ ֆակուլտետի ամբիոնի վարիչը հաստատում է ֆակուլտետի ՈւԳԸ-ի նախագահի, քարտուղարի թեկնածությունները, որոնք կազմակերպում են նրա հանձնախմբերի աշխատանքները, ներկայացնում ֆակուլտետի ՈւԳԸ-ն և նրա ծրագրերը համալսարանի ՈւԳԸ խորհրդում:
- 3.3 Ֆակուլտետի ՈւԳԸ-ի նիստերը հրավիրվում են առնվազն ամիսը մեկ անգամ: Նիստերը հրավիրվում են նախագահի կողմից, կամ անդամների 1/3 պահանջով: Նիստը օրինական է, եթե նրան մասնակցում են անդամների ավելի քան 1/2-ը, իսկ որոշումները ընդունվում են անդամների թվի պարզ մեծամասնությամբ: Ֆակուլտետի ՈւԳԸ-ն կարող է մշակել իր կանոնակարգը և սահմանել սույն կանոնադրությանը չհակասող այլ կառուցվածքային միավորներ:
- 3.4 Ֆակուլտետի ՈւԳԸ-ի նախագահը հանդիսանում է ֆակուլտետի խորհրդի անդամ, համալսարանի ՈւԳԸ խորհրդի անդամ:
- 3.5 Ֆակուլտետի ՈւԳԸ-ն կարող է կյանքի կոչել տարբեր և բազմաբնույթ ակումբներ, որոնք կազմում կարող են ընդգրկվել ֆակուլտետի այլ ուսանողներ ևս:

Բ. ՀԱՄԱԼՍԱՐԱՆԻ ՈՒՄԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅՈՒՆԸ

- 3.6 Համալսարանի ՈւԳԸ-ի ղեկավար մարմինը ՈւԳԸ խորհուրդն է, որի միստր գումարվում է ուսումնական կիսամյակում ոչ պակաս քան 3 անգամ:
- 3.7 ՈւԳԸ-ի խորհրդի կազմի մեջ մտնում են ՈւԳԸ նախագահը, նախագահի տեղակալը, քարտուղարը, ֆակուլտետային ՈւԳԸ-ների նախագահները և ՈւԽ նախագահը:
- 3.8 ՈւԳԸ խորհուրդը՝
- . քնարկում և որոշում է ՈւԳԸ-ի գործունեության կարևորագույն ուղղությունները, միջոցներ է ձեռնարկում որոշումների իրականացման համար,
 - . առաջարկություններ է ներկայացնում Համալսարանի գիտական խորհրդին և ռեկտորատին,
 - . քնարկում և հաստատում է ՈւԳԸ նախագահի տարեկան հաշվետվությունը,
 - . մշակում է ընկերության ընթացիկ և հեռանկարային ծրագրերը, հաստատում է և կորդինացնում ֆակուլտետային ՈւԳԸ-ների աշխատանքները և ծրագրերը,
 - . հաստատում է իր աշխատակարգը,
 - . ստեղծում, վերակազմավորում և լուծարում է սույն կանոնադրությամբ չսահմանված ՈւԳԸ աշխատանքային օղակները, ինչպես նաև հաստատում է նրանց կազմը և աշխատակարգը, ընդ որում նրանց կարող է լիազորել իր իրավասությանը վերաբերվող որոշ հարցերի լուծման իրավունք,
 - . որոշում է ընդունում ընկերության պատվավոր անդամի կոչում շնորհելու մասին և կանոնակարգում է ընկերության անդամությանը վերաբերվող այլ հարցեր,
 - . վավերացնում է ընկերության անունից կնքած պայմանագրերն ու համաձայնագրերը:
- 3.9 Համալսարանի ՈւԳԸ խորհրդի միստր օրինական է, եթե նրան մասնակցում են անդամների ընդհանուր թվի ավելի քան կեսը: Որոշումները ընդունվում են միստի մասնակիցների ընդհանուր թվի պարզ մեծամասնությամբ: ՈւԳԸ խորհրդի արտահերթ միստ կարող է հրավիրվել ՈւԳԸ նախագահի, խորհրդի անդամների 1/3 պահանջով:

Գ. ՈՒԳԸ ԽՈՐՀՐԴԻ ԱՆԴԱՄՆԵՐԸ

- 3.10 ՈւԳԸ նախագահը հաստատվում է ՈւԳԸ խորհրդի կողմից՝ ռեկտորի ներկայացմամբ:
- 3.11 Նախագահի տեղակալին և քարտուղարին, մեկ շաբաթվա ընթացքում ռեկտորի հաստատմանն է ներկայացնում ՈւԳԸ նախագահը:
- 3.12 ՈւԳԸ նախագահը ի պաշտոնե հանդիսանում է Համալսարանի գիտական խորհրդի անդամ:
- 3.13 Ընկերության նախագահը ի պաշտոնե ներկայացնում է ընկերությունը, համակարգում է ընկերության խորհրդի գործունեությունը, ապահովում է ընկերության կառուցվածքային միավորների համագործակցությունը, տալիս է լիազորագրեր, ընկերության անունից կնքում է պայմանագրեր և համաձայնագրեր:
- 3.14 ՈւԳԸ նախագահը տարեկան հաշվետվությամբ հանդես է գալիս Համալսարանի գիտական խորհրդում:
- 3.15 Ընկերության նախագահի տեղակալը նախագահի բացակայության դեպքում ստանձնում է նրա լիազորությունները:
- 3.16 Ընկերության քարտուղարը ղեկավարում է քարտուղարության աշխատանքները՝ առաջնորդվելով ՈւԳԸ խորհրդի աշխատակարգով:

4. Ընկերության միջոցները և դրանց օգտագործման կարգը

- 4.1 Ընկերության միջոցները գոյանում են Համալսարանի բյուջեից կատարվող մասհանումներից, հովանավորների կողմից կատարվող հատկացումներից:
- 4.2 Ընկերությունը անվճար, համաձայն սահմանված կարգի, օգտվում է համալսարանի տարածքային, գույքային, տեխնիկական այլ միջոցներից:
- 4.3 Ընկերության միջոցները օգտագործվում են կանոնադրական նպատակների և խնդիրների իրականացման համար:

5. Ընկերության գործունեության դադարեցման կարգը

- 5.1 Ընկերությունը իր գործունեությունը դադարեցնում է համալսարանի գիտական խորհրդի որոշմամբ կամ ՀՀ օրենսդրությամբ սահմանված կարգով:
- 5.2 Ընկերության լուծարումից հետո նրա ամբողջ գույքը պատկանում է Հյուսիսային համալսարանին: